

御纂醫宗全錄卷四十八

編輯婦科心法要訣目錄

驚悸恍惚證治

茯神散

加味歸脾湯

妄言見鬼發狂證治

妙香散

小調經散

虛煩證治

人參當歸湯

當歸補血湯

失笑散

發渴證治

參麥飲

加味四物湯

竹葉歸蒼湯

四物湯

效嗽證治

旋覆花湯

麥冬地黃湯

加味佛手散

六味地黃湯

衄血證治

人參澤蘭葉湯

痢證總括

痢疾證治

槐連四物湯

芍藥湯

真人養藏湯

四物湯

十全大補湯

人參敗毒散

香連丸

加味四物湯

四物湯

瘡疾

加味生化湯

加味二陳湯

藿香正氣湯

生化湯

二陳湯

葶勞虛羸總括

葶勞虛羸證治

三合散

六君子湯

八珍湯

十全大補湯

益氣養榮湯

血崩

加味十全大補湯

加味逍遙散

十全大補湯

逍遙散

佛手散

失笑散

大便秘結

小便淋閉

加味四物湯

四物湯

小便頻數不禁淋瀝

黃耆當歸散

加味地黃湯

補中益氣湯

六味地黃湯

大便出血

加味芩連四物湯

芩連四物湯

歸脾湯

補中益氣湯

敗血成癰

加味生化湯

生化湯

產後虛實宜審

大黃

黃芩

小黃

知母

獨活

獨活

麻黃

麻黃

大黃

大黃

大黃

小黃

小黃

小黃

小黃

御纂醫宗金鑑卷四十八

編輯婦科心法要訣

驚悸恍惚證治

茯神散

加味歸脾湯

產後血虛心氣弱驚悸恍惚不安寧養心須用茯神散參耆地
芍桂茯神琥珀龍齒歸牛膝憂思歸脾砂齒靈

註

產後血虛心氣不守神志怯弱故令驚悸恍惚不寧也宜
用茯神散其方乃人參黃耆熟地白芍桂心茯神琥珀龍
齒當歸牛膝也若因憂愁思慮傷心脾者宜歸脾湯加硃

砂龍齒治之

歸脾湯

方見首卷

妄言見鬼發狂證治

妙香散

產後譫狂見鬼神敗血冲心小調經心虛悶亂妙香散二茯參耆遠志辰甘桂木麝山藥末歸地煎調效若神

註

產後敗血冲心狂亂見鬼譫言妄語者宜服小調經散若因心血虛神不守舍而悶亂者則用妙香散卽茯苓茯神人參黃耆遠志辰砂甘草桔梗木香麝香山藥爲散以當歸熟地煎湯調服卽愈其效如神

虛煩證治

人參當歸湯

產後血虛煩短氣人參當歸湯最良參麥歸芍熟地桂瘀血衝心失笑方去血過多煩躁甚須用當歸補血湯

產後血虛心煩短氣者宜人參當歸湯即人參麥冬當歸白芍熟地肉桂也若因敗血沖心者宜服失笑散若去血過多煩而躁者乃亡血證也宜當歸補血湯

當歸補血湯

失笑散

方俱見首卷

發渴證治

參麥飲

加味四物湯

竹葉歸耆湯

氣虛津短參麥飲血虛四物粉麥煎渴甚竹葉歸耆效參朮歸

耆竹葉甘

註

產後氣虛津液不足而渴者宜參麥飲即人參麥冬五味

子也血虛而渴者宜四物湯加花粉麥冬若渴甚不解者

用竹葉歸耆湯其方乃人參白朮當歸黃耆竹葉甘草煎

服也

四物湯

方見首卷

欬嗽證治

旋覆花湯

麥味地黃湯

加味佛手散

產後欬嗽感風寒旋覆花湯荆穗前麻杏半苓赤芍藥五味甘草棗薑煎虛火上炎冲肺嗽麥味六黃滋化源瘀血入肺佛手散加入桃紅杏貝延

註

產後欬嗽若因起動太蚤感冒風寒者用旋覆花湯即荆芥穗前胡麻黃杏仁半夏茯苓赤芍藥五味子甘草旋覆棗薑也若因陰虛火炎上燥肺金而嗽者宜六味地黃加

麥冬五味子名麥味地黃湯滋其化源若因瘀血上冲入肺而嗽者宜佛手散加桃仁紅花杏仁川貝母延胡索以破其瘀其嗽自愈

六味地黃湯

佛手散

方俱見首卷

衄血證治

人參澤蘭葉湯

產後口鼻黑而衄胃絕肺敗藥難醫參蘭丹滕生熟地童便多

冲冀萬一

註

產後惡露不下虛火載血上行溢出鼻竅不循經脈變黑

色見於口鼻爲熱極反兼水化故曰胃絕肺敗藥難醫也
或用人參澤蘭葉湯卽人參澤蘭葉丹皮牛膝生地熟地
煎湯多冲童便飲之間有得生者然亦希冀於萬一者耳
痢證總括

產後痢名產子痢飲食生冷暑寒干裏急後重有餘病日久滑
脫不足看赤黃稠黏多是熱清微鳴澹定屬寒寒熱濕清調補
澁虛實新久要詳參

註

產後痢者名產子痢多因飲食不調貪食生冷或起居不
慎衝寒受暑所致若腹中疴痛裏急後重者屬有餘之證
若日久虛寒滑脫者屬不足之證痢色黃赤稠黏多屬於

熱清稀澄澈如鴨糞者則屬於寒治之之法熱者清之寒者溫之冷熱不和者調之虛者補之實者瀉之虛實新久之間宜細心詳參也

痢疾證治

槐連四物湯

芍藥湯

真人養藏湯

痢槐連四物效冷熱有餘芍藥湯芍藥苓連歸木草枳桂墜
痛大黃虛寒滑脫參朮桂芍藥訶蔻廣木香甘草粟殼名養
日久十全大補良

註

熱者清之故熱痢宜槐連四物湯即四物湯加槐花黃連
以清熱而堅腸也冷熱不和者調之故宜芍藥湯即白芍
藥黃芩黃連當歸木香甘草肉桂檳榔墜者倍加檳榔
加生大黃也若虛寒滑脫則宜溫補而固澁之宜真人養
藏湯即人參白朮白芍藥肉桂肉豆蔻訶子木香甘草罌
粟殼同煎服也若日久不止氣血大虛宜十全大補湯補
之

四物湯

十全大補湯

方俱見首卷

人參敗毒散

香連丸

加味四物湯

有表痢用敗毒散羌獨枳梗共柴前參苓芍草薑葱引暑濕成痢用香連血滲大腸成血痢四物膠榆餘鯁添

註

外感風寒成痢者宜人參敗毒散即羌活獨活枳殼桔梗柴胡前胡人參茯苓川芎甘草薑葱引也若因暑濕致痢宜香連丸即黃連木香為丸也若敗血滲入大腸成血痢者宜四物加阿膠地榆血餘烏鯁魚骨服之

四物湯 方見首卷

瘧疾

加味生化湯

加味二陳湯

藿香正氣湯

產後瘧多因瘀血榮衛不和熱又寒生化湯中加柴甲痰食二
陳查朴添外感不正正氣散陳半夏木蘇朴甘腹皮桔梗藿香
芷引加薑棗一同煎

註

產後患瘧多因瘀血停留榮衛不和故寒熱往來也宜用
生化湯加柴胡鱉甲服之若因痰飲食積者宜二陳湯加
山查厚朴若果外感風寒方可用藿香正氣散治之其方
卽陳皮半夏茯苓白朮蘇葉厚朴甘草大腹皮桔梗藿香

白芷也

二陳湯 方見三卷

蓐勞虛羸總括

產後失調氣血弱風寒外客內停瘀飲食過傷兼勞怒不足之中挾有餘寒熱往來臍腹痛懶食多眠頭暈迷骨蒸盜汗痰嗽喘面黃肌瘦力難支蓐勞先須調脾胃後調榮衛補其虛

註

產後氣血兩虛起居不慎風寒外襲瘀血內停更或飲食厚味過傷憂勞忿怒乃不足之中挾有餘之證致生寒熱往來臍腹脹痛懶進飲食喜眠臥起則頭暈昏迷骨蒸潮熱盜汗自汗痰喘咳嗽面色萎黃肌肉削瘦氣力難支名

爲瘵勞醫治甚難凡欲療斯疾者必當先調理其脾胃使
飲食強健能勝藥力然後調其榮衛補其虛損始能痊愈
瘵勞虛羸證治

三合散

扶脾益胃六君子穀化精微氣血強能食漸覺精神爽調衛和
榮三合良八珍去朮小柴胡隨證加減效非常病退虛羸補氣
血八珍十補養榮方

註

產後瘵勞治法當先扶脾益胃宜六君子湯加減用之使
脾胃強壯能食能消則後天水穀之氣化生精微氣血自
然壯盛精神自然漸爽然後調其衛氣和其榮血宜三合

散卽八珍湯去白朮加小柴胡湯乃人參柴胡黃芩半夏
甘草也隨證加減治之如寒熱往來臍腹脹痛則去人參
黃芩坐地加延胡桃仁如懶食喜唾頭眩則去柴胡加黃
耆縮砂陳皮如骨蒸盜汗自汗則去川芎柴胡加鱉甲地
骨皮牡蠣如痰喘咳嗽則去人參柴胡加麥冬川貝母百
合如面黃肌瘦乏力則去柴胡川芎加黃耆倍用人參臨
證消息之服後如諸證已痊惟覺虛羸者則以八珍十全
養榮等方培補之

六君子湯

八珍湯

十全大補湯

益氣養榮湯

方俱見首卷

血崩

加味十全大補湯

加味逍遙散

產後亡血更血崩血脫氣陷病非輕十全大補膠升續棗仁山
黃薑炭尋若因暴怒傷肝氣逍遙梔地白茅根瘀停少腹多脹
痛佛手失笑效如神

訂

產後陰血已亡更患崩證則是血脫氣陷其病非輕當峻
補之宜用十全大補湯加阿膠升麻續斷棗仁山黃炮薑

行身醫宗金鑑 卷四十一
炭以升補其脫陷可也若因暴怒傷肝血妄行者宜逍遙散加黑梔生地白茅根以清之若因內有停瘀者必多小腹脹痛當用佛手散失笑散以補而逐之

十全大補湯

逍遙散

佛手散

失笑散

方俱見首卷

大便秘結

產後去血亡津液胃燥腸枯大便難飲食如常無所苦不須妄下損真元量其虛實通利導血旺津回聽自然

註

產後去血過傷其津液多致胃燥腸枯故令大便秘結若
飲食如常無脹滿之苦者不宜輕下反傷元氣惟宜量其
虛實用諸導法待血旺津回大便自然順利也

小便淋閉

加味四物湯

產後淋閉腹脹痛熱邪挾血滲胞中四物蒲瞿桃仁膝滑石甘
草木香通

註

產後熱邪挾瘀血流滲胞中多令小便淋閉宜四物湯加
蒲黃瞿麥桃仁牛膝滑石甘草稍木香木通治之

四物湯

方見首卷

小便頻數不禁淋瀝

黃耆當歸散

加味地黃湯

產後小便數且白腎虛不固目遺尿因產傷胞多淋瀝頻數補
中益氣宜胞傷黃耆當歸治參耆朮芍草當歸不禁六味加桂
附益智蠔蛸補骨脂

註

產後氣虛下陷多令小便頻數而色白腎虛不固小便自
遺因產時穩婆不慎傷其胞脬多致小便淋瀝氣虛頻數
者宜補中益氣湯升舉之傷胞淋瀝者宜黃耆當歸散補
之其方卽黃耆當歸人參白朮白芍甘草也引用豬苓胞

同煮服腎虛遺尿不禁者宜六味地黃湯加肉桂附子名
桂附地黃湯更加益智仁桑螵蛸補骨脂治之

補中益氣湯

六味地黃湯

方俱見首卷

大便出血

加味芩連四物湯

產後便血大腸熱四物芩連酒炒黑地榆阿膠荆穗炒蜜製升
麻棕欄灰脾虛不攝歸脾效氣虛下陷補中宜

註

產後大便出血有因大腸經熱者宜芩連四物湯黃芩黃
連俱酒炒黑用更加地榆阿膠荆芥穗微炒蜜製升麻棕

欄皮灰治之若因脾虛不能攝血者宜歸脾湯中氣下陷者補中益氣湯

芩連四物湯

歸脾湯

補中益氣湯

方俱見首卷

敗血成癰

加味生化湯

榮氣不從逆肉理敗血留內發癰疽只用生化加連翹銀花甘草乳沒宜切勿敗毒施過劑致令潰腐必難醫

計產後氣血兩虛榮氣不從逆于肉理或敗血留內結成癰

疽者只宜用生化湯加運翹金銀花甘草節乳香沒藥治
之切不可用寒涼敗毒之藥恐潰後腐爛必難醫治

產後虛實宜審

震亨產後惟大補從政莫作不足看二說須合形證鯀攻補虛
實仔細參

註

朱震亨云產後氣血兩虛惟宜大補雖有他證以未治之
張從政云產後慎不可作諸虛不足治之二說各有偏處
當合形證鯀三者細參方不致誤

產後門彙方

開骨散

當歸 五錢

龜板 三錢 醋炙研

川芎 二錢

婦人髮 一風

水煎服

奪命散

沒藥

血竭 各等分

右研為細末纔產下便用童便細酒各半盃煎一兩沸調下二錢良久再服其惡血自下行便不衝上免生百疾

清魂散

澤蘭葉

人參 各二錢

川芎 五錢

荆芥穗 一兩

甘草 二錢

右為末用溫酒熟湯各半盃調一錢灌之下咽服即開氣
定即醒

大巖蜜湯

當歸

熟地

白芍 各一錢

乾薑

肉桂 各一錢

吳茱萸

獨活

遠志 炙

細辛

甘草

各八分

右水煎服

香桂散

當歸

肉桂

川芎 各等分

右為末酒調服

延胡索散

當歸

赤芍

生蒲黃

桂心

琥珀

紅花

延胡索

各等分

右以好醋浸一宿焙乾為末每服二錢酒調

趁痛散

當歸

官桂

白朮

黃耆

獨活

牛膝

生薑

各五錢

甘草

炙

薤白

各三錢半

桑寄生 五錢

右咬咀每服五錢水煎服

丁香豆蔻散

公丁香

白豆蔻仁

伏龍肝 各等分

右為末生薑湯點服

茹橘飲

竹茹

橘紅 各三錢

乾柿 一枚

水薑煎服

參附湯

人參 一兩

附子 五錢

炮

御纂醫宗金鑑 卷四十一 婦科心法要訣

三

右作一服薑棗水煎徐徐服

去人參加黃耆名著附湯

三味參蘇飲

人參 一兩
為末

蘇木 二兩

右以蘇木煎湯沖人參末服

枳木湯

枳實 二兩
炒

白朮 二兩
土炒

水薑煎服

小調中湯

茯苓

當歸

白芍

陳皮 各一錢

白朮 一錢五分

右作一劑煎湯服

小調經散

白芍

當歸

沒藥

琥珀

桂心 各一錢

細辛

麝香 各五分

右為細末每服五分薑汁温酒各少許調服

更生散

當歸

生地

川芎

人參 各二錢

荆芥穗 三錢

乾薑 八分

印真膏

卷四十一

編輯婦科心法要訣

五

右集醫身全金 卷四 一 一

水煎服

當歸六黃湯

當歸

熟地

自製

黃耆

各二錢

生地

黃蘗

炒黑

黃芩

炒黑

黃連

各一錢 炒黑

右水煎服

黃耆湯

黃耆

三錢 炙

牡蠣粉

二錢

白朮

二錢 土炒

茯苓

一錢

麥冬

二錢

熟地

三錢

防風

一錢

甘草

七分 炙

右加浮小麥一合煎服

七珍散

人參 石菖蒲 生地

川芎 各一兩 細辛 一錢 防風

辰砂 各五錢 另研

石為細末每服一錢薄荷煎湯調服

茯神散

茯神 一兩 去木 人參 黃耆 炙

赤芍 牛膝 琥珀

龍齒 各一錢五分 研 生地 一兩五錢 桂心 五錢

御纂醫宗金鑑 卷四十一 婦科心法要訣 七

當歸 二兩

右為末每服三錢水煎服

妙香散

甘草 五錢
炒

遠志 製去心

山藥 薑汁炙

茯苓

茯苓 去木

黃耆 各一兩
炙

人參

桔梗 各五錢

辰砂 三錢
另研

麝香 二錢
另研

木香 一錢五分

右為細末每服二錢當歸熟地煎湯調下

參麥飲

人參

麥冬

右水煎服

人參當歸湯

人參

當歸

熟地

麥冬

白芍

五味子

桂枝

一錢

各二錢

三分

右剉水煎服

竹葉歸耆湯

人參

白朮

當歸

黃耆

各二錢

竹葉

二十片

甘草

五分

右剉水煎服

旋覆花湯

旋覆花

赤芍藥

荆芥穗

半夏麩

前胡

甘草

茯苓

五味子

杏仁

炒 去皮尖麩

麻黃

各等分

右咬咀每服四錢水一盞半生薑三片棗一枚煎至七分

去滓食前溫服有汗不宜用

人參澤蘭葉湯

人參

五錢

澤蘭葉

丹皮

牛膝

各二錢

生地

三錢

熟地

五錢

藕節五枚煎冲童便服

槐連四物湯

當歸

川芎

赤芍藥

生地

槐花

黃連各一錢

御米殼

五分
去蒂蜜炙

石剉水煎服

芍藥湯

芍藥

炒

當歸

黃連

各半兩

檳榔

木香

甘草

各二錢

桂

二錢五分

黃芩

三錢

右每服半兩水煎如不減加大黃此證又有因中氣虛弱

脾氣鬱結者治當審察

真人養藏湯

人參

白朮

白芍藥

各二錢

肉桂

肉豆蔻

訶子

各一錢

木香

甘草

罌粟殼

各八分

右劉薑棗煎服

人參敗毒散

羌活

獨活

柴胡

前胡

各一錢五分

枳殼

桔梗

人參

茯苓

各一錢

川芎

八分

甘草 五分

右劉薑葱煎服

香連丸

黃連 十二兩

吳茱萸 十兩
去枝梗

右先將二味用熱水拌和入磁器內置熱湯炖一日同炒

至黃連紫黃色去葉用連為末每末四兩八木香末一兩

淡醋米飲為丸梧桐子大每服二三十丸滾湯下久痢中

氣下陷者用補中益氣湯下中氣虛者用四君子下中氣

虛寒者加薑桂

藿香正氣散

藿香 一錢五分

桔梗

大腹皮

紫蘇

茯苓

白朮 炒

白芷

半夏 麩

陳皮

厚朴

各一錢 炙

甘草

五分 炙

右剉加薑棗水煎服

三合散

當歸

白芍

茯苓

熟地

各一兩

柴胡

人參

各一兩五錢

黃芩

半夏

製

甘草

各六錢

川芎

一兩

右爲粗末每服一兩水一鍾半煎服日三

黃耆當歸散

人參

白朮

土炒

黃耆

當歸

白芍

各三錢

甘草

八分

右剉薑棗水煎服

桂附地黃湯

熟地

四錢

山萸肉

山藥

各二錢

丹皮

澤瀉

茯苓

各一錢五分

附子

製

肉桂

各一錢

右剉水煎服

回生丹

錦紋大黃一觔 為末 蘇木三兩 打碎用河水五碗煎汁三碗

大黑豆三升 水浸取殼用絹袋盛殼同豆 煮熟去豆不用將殼晒乾其汁留用

紅花三兩 炒黃色入好酒四碗 煎三五滾去渣取汁聽用 米醋九觔 陳者佳

將大黃末一觔入淨鍋下米醋三觔文火熬之以長木筋

不住手攪之成膏再加醋三觔熬之又加醋三觔次第加

畢然後下黑豆汁三碗再熬次下蘇木汁次下紅花汁熬

成大黃膏取入瓦盆盛之大黃鍋粬亦鏟下入後藥同磨

人參

當歸酒洗 川芎酒洗

香附

醋炒 延胡索酒炒 蒼朮米泔浸炒

蒲黃 隔紙炒

茯苓

桃仁 各一兩 去皮尖油

川牛膝 五錢 酒洗

甘草 炙

地榆 酒洗

川羌活

廣橘紅

白芍 各五錢 酒炒

木瓜

青皮 各三錢 穰炒

乳香

沒藥 各二錢

益母草 三兩

木香 四錢

白朮 三錢 米泔浸炒

烏藥 二兩五錢 去皮

良薑 四錢

馬鞭草 五錢

秋葵子 三錢

熟地 一兩 酒浸九次 蒸晒如法製虀

三稜 五錢 醋浸 透紙裹煨

山萸肉 五錢 酒浸蒸搗

五靈脂 五錢 醋煮化 焙乾研細

右三十味并前黑豆殼共晒為末入石臼內下大黃膏拌

勻再下煉熟蜜一筋共搗干杵取起為丸每丸重二錢七

八分靜室陰乾須二十餘日不可日晒不可火烘乾後只重二錢有零鑲蠟護之即蠟丸也用時去蠟殼調服

三蘇蘇合蘇合蘇合山黃肉蘇合蘇合蘇合五靈脂蘇合蘇合蘇合

無蚌蘇合蘇合蘇合蘇葵子蘇合蘇合蘇合蘇蘇蘇合蘇合蘇合

白木蘇合蘇合蘇合烏藥蘇合蘇合蘇合三莖蓋蘇合蘇合蘇合之以長木筒

毀藥蘇合蘇合蘇合蓋掛草蘇合蘇合蘇合筋末香蘇合蘇合蘇合筋末第加

木瓜蘇合蘇合蘇合青史蘇合蘇合蘇合下揮香蘇合蘇合蘇合下紅花汁

爪美蘇合蘇合蘇合入海蘇合蘇合蘇合珠之大黃蘇合蘇合蘇合白以

麻半蘇合蘇合蘇合甘草蘇合蘇合蘇合刺蘇合蘇合蘇合

蕭黃蘇合蘇合蘇合蘇蘇蘇合蘇合蘇合蘇蘇蘇合蘇合蘇合

御纂醫宗金鑑卷四十九

編輯婦科心法要訣目錄

乳證門

乳汁不行證治

加味四物湯

湧泉散

乳汁自湧證治

兔懷散

麥芽煎

乳癰吹乳乳巖妬乳乳懸總括

乳癰證治

消毒飲

加味消毒飲

益氣養榮湯

吹乳證治

栝萸散

外敷法

乳巖證治

十六味流氣飲

青皮甘草散

十全大補湯

八珍湯

歸脾湯

妬乳乳懸證治

鹿角散

連翹散

芎歸飲

前陰諸證門

陰腫證治

龍膽湯

行身醫案卷之四十一
二
薰洗法

騰熨法

陰痛證治

加味逍遙散

乳香四物敷法

逍遙散

四物湯

陰癢證治

桃仁雄黃膏

逍遙散

龍膽瀉肝湯

陰挺證治

蛇床洗法

藜蘆敷法

逍遙散

龍膽瀉肝湯

陰瘡證治

加味四物湯

四物湯

加味逍遙散

補中益氣湯

陰痔證治

烏頭薰法

逍遙散

歸脾湯

補中益氣湯

陰冷證治

温中坐藥

桂附地黄丸

陰吹證治

膏髮煎

十全大補湯

交接出血證治

加味歸脾湯

桂心釜墨散

雜證門

熱入血室

加味小柴胡湯

刺期門法

清熱行血湯

血分水分總括

血分證治

加味小調經湯

水分證治

茯苓導水丸

夢與鬼交證治

加味歸脾湯

歸脾湯

梅核氣證治

半夏厚樸湯

血風瘡證治

加味逍遙散

益氣養榮湯

臙瘡證治

桂附地黄丸

人參敗毒散

補中益氣湯

六味地黄丸

足跟痛證治

六味地黄丸

八珍湯

御纂醫宗金鑑卷四十九

編輯婦科心法要訣

乳證門

乳汁不行證治

加味四物湯

產後血虛乳汁少四物花粉不留行木通豬蹄湯熬服葱白煎湯乳房淋

註

產後乳汁不行因去血過多血少不行者宜四物湯加花粉王不留行木通豬蹄熬湯煎藥服外用葱白煎湯時時淋洗乳房以通其氣

湧泉散

氣脈壅塞乳脹痛湧泉散用白丁香王不留行天花粉漏蘆殭

蠶豬蹄湯

註

產後乳汁不行因瘀血停留氣脈壅滯者其乳必脹痛宜

用湧泉散即白丁香王不留行花粉漏蘆殭蠶豬蹄湯煎

服也

乳汁自湧證治

兔懷散

麥芽煎

產後乳汁暴湧出十全大補倍參耆食少乳多欲迴乳兔懷紅

花歸芎膝無兒食乳乳欲斷炒麥芽湯頻服宜

註

產後乳汁暴湧不止者乃氣血大虛宜十全大補湯倍用
人參黃耆若食少乳多欲迴其乳者宜兔懷散即紅花歸
尾赤芍牛膝也若無兒食乳欲斷乳者用麥芽炒熟熬湯
作茶飲之

乳證總括

乳房忽然紅腫痛往來寒熱乳癰成乳被兒吹因結核堅硬不
通吹乳名初起結核不腫痛年深內潰乳巖凶乳頭生瘡名妬
乳細長垂痛乳懸稱

註

婦人乳房忽然紅腫堅硬疼痛增寒壯熱頭痛者此欲成

乳癰也若乳兒之時乳被兒口中氣吹以致乳管不通結核者名曰吹乳更有乳內結核如圍棋子不腫不痛但堅硬不散日久內潰者謂之乳巖其證甚凶若乳頭生小細瘡痛者為如乳若瘀血上攻乳房忽然細小下垂長過於腹此名乳懸惟產後有之

乳癰證治

消毒飲

乳癰初起消毒飲青芷歸柴浙貝蠶花粉銀花甘草節寒熱荆防羌獨添膿成皂刺穿山甲潰後益氣養榮煎

註乳癰乃陽明厥陰二經風熱壅盛初起宜服消毒飲即青

皮白芷當歸柴胡浙貝母殭蠶花粉金銀花甘草節也若
兼增寒壯熱者加荆芥防風羌活獨活以解散之若服後
不消其膿已成者宜加皂角刺穿山甲以穿發之若潰後
氣血虛者宜益氣養榮湯培補之他如潰久膿清不斂又
須急服大劑參耆桂附矣

益氣養榮湯

方見前首卷彙方內

吹乳證治

栝萸散

外敷法

吹乳結核栝萸散乳沒歸甘用酒熬更加皂刺名立效已成膿

潰未成消外敷星夏蠶芷刺草烏為末蜜葱調

註

吹乳結核不散者當早消之久則成癰宜用栝萸散即栝
萸實乳香沒藥當歸甘草酒熬服也若服後不散者加皂
角刺名立效散膿成者潰未成者消外用南星半夏蠶
白芷皂角刺草烏為末用葱汁合蜜調敷

乳巖證治

十六味流氣飲

青皮甘草散

乳巖鬱怒損肝脾流氣飲歸芍參耆芍防蘇芷枳桔草檳榔烏
樸桂通隨外熨木香生地餅青皮甘草服無時潰後不愈須培

補十全八珍或歸脾

註

乳巖之證初起結核如圍棋子大不痛不癢五七年或十餘年從內潰破嵌空玲瓏洞竅深陷有如山巖故名乳巖皆緣抑鬱不舒或性急多怒傷損肝脾所致宜速服十六味流氣飲其方卽當歸白芍人參黃耆川芎防風蘇葉白芷枳殼桔梗甘草樵榔烏藥厚朴官桂木通外以木香生地搗餅以熟器熨之且不時以青皮甘草爲末煎濃薑湯調服戒七情遠葷味解開鬱怒方始能愈若潰後久不愈惟宜培補其氣血或十全大補湯八珍湯歸脾湯選用之

十全大補湯

八珍湯

歸脾湯 方俱見首卷

妬乳乳懸證治

鹿角散

連翹散

妬乳甘草鹿角散雞子黃調炙敷之連翹散防升元芍欵射消
黃甘杏宜瘀血上攻乳懸證芍歸湯飲更薰鼻不應草麻貼頂
上乳收即去莫遲遲

註

乳頭生瘡謂之妬乳宜鹿角散敷之即鹿角甘草為末雞
子黃調銅器內炙敷之內服連翹散即防風升麻元參白

芍白欵射干芒消大黃甘草杏仁也若產後瘀血上攻兩
乳細長下垂過腹者謂之乳懸宜濃煎芎歸湯不時飲之
以其餘藥薰鼻則瘀散乳卽上升如不上者更以草麻仁
搗貼頂心收卽去之

芎歸飲

卽佛手散方見首卷

乳證門彙方

消毒飲

青皮

白芷

當歸

柴胡

浙貝母

殭蠶

花粉

金銀花

甘草節

各等分

右剉水煎服

栝蒌散

栝蒌

乳香

沒藥

當歸

甘草

各等分

右為末酒煎服

加皂角刺名立效散

十六味流氣飲

當歸

白芍

人參

黃耆

各二錢

川芎

防風

蘇葉

白芷

枳殼

桔梗

各一錢

甘草

檳榔

各五分

烏藥

厚樸

官桂

木通 各八分

右剉每服五錢水煎服

青皮甘草散

青皮 各一錢

右為末煎濃薑湯調服

鹿角散

鹿角 各等分

右為末鷄子黃調銅器內炙敷之

蓮翹散

防風

元參 各二錢

白欵

芒消

大黃

射干 各一錢

升麻 五分

白芍 一錢

甘草 五分

杏仁 二十粒

右劉薑水煎服

加味四物湯

當歸

白芍

熟地

川芎

花粉

王不留行 炒

木通 各二錢

右豬蹄熬湯煎藥服

湧泉散

白丁香

王不留行

花粉

漏蘆

各一錢

右豬蹄湯煎服

免懷散

紅花

赤芍

歸尾

牛膝

各二錢

右剉水煎服

麥芽煎

麥芽

三兩

右一味水煎作茶飲

前陰諸證門

陰腫證治

龍膽瀉肝湯

薰洗法

騰熨法

婦人疝疔兩拘痛玉門腫脹墜而疼濕熱龍膽瀉肝治導赤車
前澤瀉芩當歸梔子龍膽草氣虛下陷補中升艾防大戟熬湯
洗枳實陳皮炒熱騰

註

婦人子戶腫脹墜痛及兩拘疼痛者謂之痲疝乃肝心二
經火盛濕熱下流所致宜服龍膽瀉肝湯其方卽導赤散
生地木通甘草再加車前子澤瀉黃芩當歸黑梔子龍膽
草也若因中氣素虛下陷重墜者用補中益氣湯以升舉
之外用蘄艾防風大戟熬湯薰洗更以枳實陳皮二味爲
末炒熱騰之其腫自消而痛自定也

陰痛證治

加味逍遙散

乳香四物敷法

陰中痛名小戶嫁痛極手足不能舒內服加味逍遙散四物乳

香搗餅敷

註

婦人陰中作痛名小戶嫁痛痛極往往手足不能伸舒由

鬱熱傷損肝脾濕熱下注所致宜內服逍遙散加丹皮梔

子外以四物湯料合乳香搗餅納陰中其痛即定

逍遙散

四物湯

俱見首卷

陰癢證治

桃仁雄黃膏

濕熱生蟲陰戶癢內服逍遙龍膽方桃仁膏合雄黃末鷄肝切

片納中央

註

婦人陰癢多因濕熱生蟲甚則肢體倦怠小便淋漓宜服

逍遙散龍膽瀉肝湯外以桃仁研膏合雄黃末鷄肝切片

醮藥納戶中其蟲一聞肝腥皆鑽肝內吮食將肝提出其

病即愈

逍遙散

方見首卷

龍膽瀉肝湯

方見前
陰腫條

陰挺證治

蛇床洗法

藜蘆敷法

陰挺下脫即癩疔突物如蛇或如菌濕熱腫痛溺赤數氣虛重

墜便長清氣虛補中青梔入濕熱龍膽瀉肝尋外熬蛇床烏梅
洗豬油藜蘆敷自升

註

婦人陰挺或因胞絡損傷或因分娩用力太過或因氣虛
下陷濕熱下注陰中挺出一物如蛇或如菌如雞冠者卽
古之癩疝類也屬熱者必腫痛小便赤數宜龍膽瀉肝湯
屬虛者必重墜小便清長宜補中益氣湯加青皮梔子外
用蛇床子烏梅熬水薰洗之更以豬油調藜蘆末敷之無
不愈者

逍遙散

方見首卷

龍膽瀉肝湯

方見前
陰腫條

陰瘡證治

加味四物湯

蠶蝕成瘡濃水淋時疼時癢若蟲行少腹脹悶溺赤滯食少體倦晡熱蒸四物柴梔丹膽草潰腐逍遙補中

註

婦人陰瘡名曰蠶由七情鬱火傷損肝脾氣血凝滯濕熱

下注久而蟲生蠶蝕成瘡濃水淋漓時疼時癢有若蟲行

少腹脹悶溺赤頻數食少體倦內熱晡熱經候不調赤白

帶下種種證見宜分治之腫痛者用四物湯加柴胡梔子

龍膽草若潰爛出水而痛者用加味逍遙散若重墜者用

補中益氣湯

加味逍遙散

方見前
陰痛條

四物湯

補中益氣湯

陰痔證治

烏頭薰法

陰中突肉名陰痔或名茄子疾俗稱黃水易治白難治烏頭存

性醋熬薰內服逍遙與龍膽補中歸脾酌量行

註婦人陰中有肉突出者名曰陰痔俗稱茄子疾也流黃水

者易治流白水者難治用烏頭燒存性醋熬薰內服逍

遙散補中益氣湯歸脾湯量其虛實酌而行之

逍遙散

歸脾湯

補中益氣湯

方俱見首卷

陰冷證治

溫中坐藥

陰冷風寒客子臍桂附地黃丸宜遠志乾薑蛇床子吳萸為末裹納之

註

婦人陰冷皆由風寒乘虛客於子臍久之血凝氣滯多變

他證且難於受孕宜多服桂附地黃丸外以遠志乾薑蛇

床子吳萸萸研細綿裹納陰中日二易

桂附地黄丸

方見首卷

陰吹證治

膏髮煎

胃氣下泄陰吹喧金匱方用膏髮煎豬膏亂髮同煎服導從溺

去法通元氣虛下陷大補治升提下陷升柴添

註

婦人陰吹者陰中時時氣出有聲如穀道轉矢氣狀金匱

謂由穀氣實胃氣下泄用膏髮煎即豬膏煎亂髮服也導

病從小便而出其法甚奧若氣血大虛中氣下陷者宜十

全大補湯加升麻柴胡以升提之

十全大補湯

方見首卷

交接出血證治

加味歸脾湯

桂心釜墨散

交接出血傷心脾伏龍肝末入歸脾千金桂心釜底墨酒服方

寸七相宜

註婦人每交接輒出血者由傷損心脾二經也宜用歸脾湯

加伏龍肝煎服或用千金方中桂心釜底墨二味為末酒

冲服方寸七自愈

前陰諸證門彙方

龍膽瀉肝湯

行集醫宗全錄卷四十一

生地 一錢

木通

車前子 各一錢五分

澤瀉

黃芩 各二錢

當歸 二錢

黑梔仁

龍膽草 各一錢

生甘草 五分

右燈草一團水煎服

洗方

防風 三錢

蘄艾 一團

大戟 一錢

石熬湯薰洗

騰方

枳實

廣皮 各等分

右為末炒熟騰之

敷方 取末 散藥 內一日二火對

四物湯 一料 乳香 一錢

右搗餅納戶中其痛即定

桃仁雄黃膏

桃仁 五錢 雄黃 三錢
研膏 末

右二味研勻用雞肫肝切片蘸藥納戶內其蟲即鑽入肝

而癢自止

陰挺洗法

蛇床子 五錢 烏梅 九枚

右二味熬湯乘熱薰洗

敷方

藜蘆

為末

右用豬脂油調敷自收

陰痔薰法

烏頭

右用醎醋熬薰自消

温中坐藥方

遠志

乾薑

吳茱萸

蛇床子

各等分

右為末綿裹納戶內一日二次換

膏髮煎

婦人亂髮 一團

右用豬膏熬化服之 小便利則愈

桂心釜墨散

桂心 釜底墨 各等分

右二味為末酒調服方寸匕

雜證門 煎入血室

加味小柴胡湯

熱入血室經適斷邪熱乘虛血室潛寒熱有時如瘧狀小柴胡加歸地丹

註金匱云婦人中風七八日續來寒熱發作有時經水適斷

此為熱入血室其血必結故使如瘧狀發作有時小柴胡湯主之此言邪熱未盡值經來乘虛入於血室之間而潛藏之故令血結而寒熱有時如瘧狀也血室肝主之肝與膽為表裏膽因肝受邪而病寒熱故用小柴胡湯主之也加當歸生地丹皮者所以清血分之熱也

小柴胡湯 方見首卷柴胡四物湯註中

熱入血室經適來晝日明了夜譫妄無犯胃氣上二焦熱隨血

白無恙

註金匱云婦人傷寒發熱經水適來晝日明了夜則譫語如見鬼狀此爲熱入血室治之無犯胃氣及上二焦必自愈也此言熱雖入於血室然經行不斷則熱不留結勿謂譫妄遂以消黃犯其胃氣刺傷榮血小柴和解犯上二焦但俟其熱隨血去病必自愈傷寒論曰血自下下者愈此之謂也

刺期門法

清熱行血湯

熱入血室成結胸下血譫語頭汗出二者皆當刺期門隨其實

取泄而去清熱行血桃紅丹靈脂地苴穿山赤

註

金匱云婦人中風發熱惡寒經水適來得七八日熱除脈

遲身涼胸脇滿如結胸狀譫語者此為熱入血室也當刺

期門隨其實而取之又云陽明病下血譫語者此為熱入

血室但頭汗出當刺期門隨其實而泄之澱然汗出者愈

此二條一言適來即斷血結在裏為實證一言陽明病亦

有熱入血室但下血頭汗出為不同故為熱入血室亦由

肝實故均謂當刺期門也不能刺者以清熱行血湯治之

其方即桃仁紅花丹皮五靈脂生地甘草穿山甲赤芍也

合四證觀之大抵有寒熱如瘧之證方可用小柴胡否則

或不藥自愈或刺期門而清熱行血以隨其實而泄之此仲景心法也不得概以小柴胡治之也

血分水分總括

經水先閉後病腫任衝寒濕血壅經先發水腫後經閉水溢皮膚泛濫行血分難醫水易治二者詳叅要辨明

註

婦人經水先閉後病腫者乃寒濕傷於衝任血壅經隧也

名曰血分若先病腫而後經閉者乃土不制水水邪泛濫溢於皮膚也名曰水分血分難治水易治二者須細辨

血分證治

加味小調經散

血分血壅不能行四肢浮腫病非輕但使經通腫自散紅丹膠
入小調經

註

血分腫乃血壅不行流於四肢故令浮腫此不必治腫但
調其經經通其腫自消宜小調經散加紅花丹皮牛膝治
之

小調經散

方見三卷浮腫

水分證治

先腫後閉名水分停飲膀胱氣不行水消腫退經自至茯苓導
水效通神

註

水分腫乃水飲內停膀胱之氣化不行水溢皮膚故令浮

腫經閉也此但宜治水水消腫退其經自通用茯苓導水

丸治之

茯苓導水湯

方見胎前門子腫條

夢與鬼交證治

加味歸脾湯

獨笑獨悲畏見人神虛夜夢鬼邪侵歸脾湯調辰砂珀定志清

心魂魄寧

註

婦人七情內傷虧損心脾神無所護鬼邪干正魂魄不寧

故夜夢鬼交獨笑獨悲如有對忤是其候也宜用歸脾湯
調辰砂琥珀末服之則志定心清魂魄安而無邪夢矣

歸脾湯 方見首卷

梅核氣證治

半夏厚樸湯

婦人咽中如炙癭或如梅核結咽間半夏厚樸湯最效半樸蘇

茯苓引煎

註千金方云咽中帖帖如有炙肉吐之不出吞之不下即所

謂咽中如有炙癭也俗名梅核氣蓋因內傷七情外傷寒

冷所致宜用金匱半夏厚樸湯主之即半夏厚樸蘇葉茯

苓生薑煎也

血風瘡證治

加味逍遙散

遍身痞癩如丹毒癢痛無時搔作瘡血風風濕兼血燥加味逍遙連地方愈後白屑肌膚強血虛不潤養榮湯

註

婦人血風瘡證遍身起痞癩如丹毒狀或癢或痛搔之則

成瘡由風濕血燥所致宜用加味逍遙散加黃連生地如瘡結痂而愈復起白屑肌膚強硬者乃血少不潤也宜服

益氣養榮湯

加味逍遙散

方見前陰痛條

益氣養榮湯

方見首卷

臙瘡證治

桂附地黃丸

憂思鬱怒肝脾損濕熱生瘡長兩脇外屬三陽為易治內屬三陰治每難初起紅腫敗毒散濃水淋漓補中煎晡熱陰虛宜六味食少畏寒桂附丸

註

婦人憂思鬱怒傷損肝脾或飲食不調損其胃氣則濕熱

下注更被寒濕外邪所客則必兩脇生瘡外屬足三陽

經尚屬治若生於內屬足三陰經每多難愈初起紅腫

宜人參敗毒散潰後濃水淋漓宜補中益氣湯若更晡熱

是為陰虧宜兼服六味地黃丸若食少體倦畏寒則為真

陽不足宜服桂附地黃丸即六味地黃丸加肉桂附子也

人參敗毒散

方見產後痢條

補中益氣湯

方見首卷血崩條

六味地黃丸

方見首卷

足跟痛證治

督脈發源腎經過三陰虛熱足跟疼六味地黃滋真水腫潰流

膿用八珍

註

足跟乃督脈發源之地足少陰腎經從此所過若三陰虛

熱則足跟疼痛宜用大劑六味地黃丸料煎服以峻補其

真水若痛久不愈腫潰流膿者宜服八珍湯以補其氣血

雜證門彙方

補養學與全金 卷四十九

半夏厚樸湯

半夏

厚樸

蘇葉

茯苓

各二錢

右生薑煎服

清熱行血湯

薔薇仁

一錢

紅花

一錢

丹皮

五靈脂

生地

各二錢

甘草

五分

六穿山甲

赤芍

各一錢

蘇中右水煎服

八珍湯

方見首卷

御纂醫宗金鑑卷五十

編輯幼科雜病心法要訣目錄

四診總括

面圖

察色

聽聲

審病

切脈

虎口三關脈紋圖

虎口三關部位脈紋形色

初生門 上

拭口

甘草法

黃連法

硃蜜法

豆豉法

斷臍

胡粉散

烙臍餅子

浴兒

藏胎衣法

剃頭

不啼

鞭背法

熏臍帶法

不乳

一捻金

勻氣散

理中湯

眼不開

生地黄湯

熊膽洗法

吐不止

一捻金

香薷飲

黃連二陳湯

理中湯

不小便

導赤散

八正散

取豆豉膏

不大便

大硃蜜法

一捻金

大小便不通

木通散

紫霜丸

肛門內合

黑白散

蘇合香丸

噤口

龍膽湯

紫霜丸

秘方擦牙散

辰砂全蠍散

勻氣散

撮口

辰砂殭蠶散

紫霜丸

龍膽湯

撮風散

臍濕臍瘡

滲臍散

金黃散

臍突

犀角消毒飲

二豆散

臍風

驅風散

黑白散

理中湯

辰砂殭蠶散

龍膽湯

益脾散

撮風散

本草綱目卷之五十一

天鈞

九龍控涎散

牛黃散

鈞籐飲

蘇合香丸

內鈞

鈞籐飲

木香丸

養藏散

盤腸氣痛

白豆蔻散

熨臍法

御纂醫宗金鑑卷五十

編輯幼科雜病心法要訣

四診總論

兒科自古最爲難毫釐之差千里愆氣血未充難據脈神識未發不知言惟憑面色識因病再向三關診熱寒聽聲審病兼切脈表裏虛實隨證參

註

兒科一道自古爲難蓋以小兒形質柔脆易虛易實調治少乖則毫釐之失遂致千里之謬氣血未充者氣血尙未充盈也難據脈者脈無定準不可祇以脈爲主也神識未發者茫然無知識也不知言者不能言其疾苦也診小兒

之病惟憑察面部形色識其因何而生也三關者手虎口
處風氣命三關也當視脈紋形色以診其屬熱屬寒也聽
聲者聽其五聲所主之病也審病者審其安煩苦欲飲食
二便也切脈者切脈之浮沉遲數滑澀大小有力無力也
醫者誠能以四診參合表裏虛實寒熱之病則可保萬全
終不也

四診參合

診法

診法

面 部 五 圖



御氣膏宗金監

卷五十一

編輯幼慈法要訣

二

面 部 五 臟 部 位 圖

御集醫方全錄 卷五十一



察色

欲識小兒百病原先從面部已詳觀五部五色應五藏誠中形
外理昭然額心頰腎鼻脾位左腮屬肺左屬肝青肝赤心黃脾
色白爲肺色黑腎頰青主驚風赤火熱黃傷脾食白虛寒黑色
主痛多惡候明顯濁晦輕重參部色相生爲病順部色相尅病
多難相生實者邪助病相尅虛者正難堪天庭青暗驚風至紅
主內熱黑難痊太陽青驚入耳惡印堂青色驚瀉纏風氣青驚
紫吐逆兩眉青吉紅熱煩鼻赤脾熱黑則死唇赤脾熱白脾寒
左腮赤色肝經熱右腮發赤肺熱痰承漿青驚黃嘔吐黑主抽
搐病纏綿此是察色之大要將脈證一同參

註

小兒之病先從面部氣色觀之詳察五部之色則五藏之病自昭然可見矣五部者額屬心頰屬腎鼻屬脾左腮屬肝右腮屬肺也五色者青爲肝色赤爲心色黃爲脾色白爲肺色黑爲腎色也如面青主是驚風之證面赤主火熱面黃主傷脾傷食面白主虛寒面黑主痛多是惡候總之五色明顯爲新病其證輕濁晦爲久病其證重部色相生爲順者如脾病色黃此正色也若見紅色乃火能生土故爲順也若見青色乃木來克土故爲逆也餘病倣此若氣血充實又遇部色相生縱有外邪助病亦易爲治療若久病氣血虛弱又遇部色相克則正氣不支每難治療如天

庭青暗主驚風紅主內熱黑則不治太陽青主驚風青色
入耳者死印堂青主驚瀉風池在眉下氣池在眼下二處
青主驚風紫多吐逆兩眉青主吉紅色主多煩熱鼻赤主
脾熱鼻黑則死唇赤主脾熱白主脾寒左腮發赤主肝經
有熱右腮發赤主肺熱痰盛承漿青主驚黃主吐黑主抽
搐此皆察色之大要再以脈證參之庶治得其要矣

聽聲

診兒之法聽五聲聆音察理始能明五聲相應五藏病五聲不
和五藏情心病聲急多言笑肺病聲悲音不清肝病聲呼多狂
叫脾病聲歌音顫輕腎病聲呻長且細五音昭著證分明啼而

不哭知腹痛哭而不啼將作噤_音噤煎不安心煩熱噎聲聲重感寒風有餘聲雄多壯厲不足證_音短怯而輕多言體熱陽府證懶語身冷陰藏形狂言焦燥邪熱盛譫語神昏病熱凶鴨聲在喉音不出直聲無淚命將傾虛實寒熱從聲別聞而知之無遁情

註

小兒之病既觀其色又當細聽其聲蓋笑呼歌悲呻五聲內應心肝脾肺腎五藏也五聲不和則知五藏有病之情矣如心屬火病則聲急言笑肺屬金病則聲悲音濁肝屬木病則聲狂叫多呼脾屬土病則聲顛輕如歌腎屬水病則其聲長細如呻吟有聲有淚聲長曰哭有聲無淚聲短曰啼如啼而不哭則氣不伸暢主腹痛哭而不啼則氣急

心煩將成驚也眩煎不安者乃心經內熱故煩躁不寧也
噎聲音啞也聲重聲濁也此爲外感風寒也有餘之證其
氣實故聲雄大而壯厲不足之證其氣虛故聲怯弱而輕
短多言與身熱皆陽也陽主府故曰陽府證也懶語與身
涼皆陰也陰主藏故曰陰藏證也狂言焦躁者邪熱盛也
神昏譫語者熱乘於心故曰病熱凶也鴨聲聲在喉中而
啞氣將絕也直聲聲無回轉而急氣將散也二者俱爲不
善治之證醫者果能以此察之則知表裏藏府寒熱虛實諸
味無病之情態無所遁矣

審審病

審兒之病貴詳察要在安煩苦欲間能食不食渴不渴二便調和通秘勘發熱無汗為表病內熱便鞭作裏看安煩晝夜陰陽證苦欲冷暖定熱寒能食不食胃壯弱渴與不渴胃濕乾便稠黏穢為滯熱尿清不赤乃寒占耳尻肢涼知痘疹指梢發冷主驚癩肚腹熱悶乃內熱四肢厥冷是中寒眉皺曲啼腹作痛風熱來臨耳熱纏腹痛須按軟與鞭喜按不喜虛實參欲保赤子誠心辨對證施方治不難

註

小兒有病貴乎詳審先問起居安煩苦欲何如次問飲食能食不食渴與不渴又次問二便或通或秘而後病源可識矣如發熱無汗此邪在表也內熱便鞭此邪在裏也安

煩者謂晝苦煩熱而夜安靜是陽旺於陽分其病在陽若
夜煩熱而晝安靜是陽陷於陰分其病在陰苦欲者喜冷
惡熱皆屬陽病故爲熱也喜熱惡冷皆屬陰病故爲寒也
胃壯者能食胃弱者不能食胃乾燥者口渴胃濕盛者口
不渴至於大便稠黏穢氣難聞者是內有滯熱從熱化也
小便清白不赤爲虛寒從寒化也若耳梢冷尻骨冷四肢
發冷者此痘疹欲發之候如單指梢發冷者此驚癇將作
之徵肚腹熱悶主內熱手足厥冷主中寒小兒無故皺眉
曲腰啼叫者主內因腹痛也兩耳常常發熱者主外因風
熱也然腹痛又當按其或軟與鞭若喜按者爲虛不喜按

者爲實保赤者須誠心勘問對證施治庶隨手奏效矣

切脈

小兒週歲當切脈位小一指定三關浮脈輕取皮膚得沉脈重
取筋骨間一息六至平和脈過則爲數減遲傳滑脈如珠多流
利濇脈滯濇往來艱三部無力爲虛脈三部有力作實言中取
無力爲芤脈微脈微細有無間洪脈來盛去無力數緩時止促
結占緊脈左右如轉索弦則端直張弓弦浮爲在表外感病沉
爲在裏內傷端數爲在府屬陽熱遲爲在藏乃陰寒滑痰洪火
微怯弱弦飲結聚促驚癇扎主失血濇血少沉緊腹痛浮感寒
虛主諸虛不足病實主諸實有餘看痘疹欲發脈洪緊大小不

勻中惡動一息三至虛寒極九至十至熱極炎一二十一二
死浮散無根沉伏難表裏陰陽虛實診惟在兒科隨證參

註

週歲者一歲也有疾則當切脈但部位甚小不能以三指
診之須用一指以定三關三關者寸關尺也浮脈者輕取
皮膚之上卽得故曰浮也沉脈者重按筋骨之間則見故
曰沉也一息者人之一呼一吸也至者脈之至數也一息
六至爲和平之脈則曰無疾至數若過者七至八至也謂
之數脈至數若減者四至五至也謂之遲脈滑脈如珠往
來流利瀉脈滯澁往來難難三部者脈之浮中沉也浮中
沉三部無力爲虛浮中沉三部有力爲實芤脈者中取無

力微脈者按之微細若有若無洪脈者來時雖盛去時無力促脈者數而時止結脈者緩而時止緊脈者左右如轉索之象弦脈者端直如張弓弦此皆言脈之形象至數也浮脈病在表外感風寒也沉脈病在裏內傷飲食也數脈病在六府屬陽也遲脈病在五藏屬陰也滑主痰盛洪主火熱微主怯弱之證弦主停飲結主積聚促主驚癇芤主失血瀦主血少沉緊主腹痛浮緊主感寒虛爲不足主諸虛實爲有餘主諸實洪緊者痘疹欲發也大小不勻者中惡之證也一息三至是虛寒之極九至十至乃火熱太甚此諸脈所主之病也若一息只一至二至或十一十二至

者皆死脈也浮散無根及沉浮取之不應指者皆難治之
脈也凡病之陰陽表裏虛實雖可以診脈而得惟臨證時
合望聞問三者細爲參考焉

虎口三關部位脈紋圖

右手圖



左手圖



風關次指第一節

氣關次指第二節

命關次指第三節

虎口又手處也男

先看左手次指內

側女先看右手次

指內側

形蛇去



形珠長




形蛇來



形珠流



形左向斜紋 形裏反弓



形右向斜紋 形外反弓



透關射指形



針形




透關射甲形



鎗形




乙字形



三曲如



二曲如鉤形



水字



魚骨形



環形



亂蟲形



曲蟲形



虎口三關部位脈紋形色

初生小兒診虎口男從左手女右看次指三節風氣命脈紋形色隱隱安形見色變知有病紫屬內熱紅傷寒黃主脾病黑中惡青主驚風白是疳風關病輕氣關重命關若見病多難大小曲紫傷滯熱曲青人驚走獸占赤色水火飛禽撲黃色雷驚黑陰痢長珠傷食流珠熱去蛇吐瀉來蛇疳弓裏感冒外痰熱左斜傷風右斜寒鍼形鎗形主痰熱射指射甲命難全紋見乙字爲抽搐二曲如鈎傷冷傳三曲如蟲傷硬物水紋咳嗽吐瀉環積滯曲蟲驚魚骨形似亂蟲有蛔纏脈紋形色相參合醫者留

神仔細觀

註

凡初生小兒有疾病者須視虎口叉手處脈紋之形色以
決病之生死輕重男先看左手次指內側女先看右手次
指內側指之三節初節曰風關次節曰氣關三節曰命關
其紋色紅黃相兼隱隱不見則爲平安無病若紋色紫屬
內熱紅屬傷寒黃爲傷脾黑爲中惡青主驚風白主疳證
紋在風關主病輕氣關主病重若過命關主病危難治又
當視其紋形大小曲灣色紫者主傷食內熱色青者主人
驚及走獸驚色赤者主水火飛禽所驚黃主雷驚黑主陰
癩如指上紋形一點紅色名曰流珠紋主內熱圓長者名
曰長珠形主飲食傷上尖長下微大者名曰去蛇形主傷

食吐瀉上大下尖長者名曰來蛇形主濕熱成疔弓反裏者形灣向中指主感冒寒邪弓反外者形灣向大指主內熱痰盛紋斜向左者其紋斜向中指主傷風紋斜向右者其紋斜向大指主感寒鍼形者直若懸鍼微短鎗形者直射如鎗微長皆主痰熱透關射指射甲者其紋直射指甲指端主脾氣大敗病危不起二者俱屬不治乙字紋似乙字主驚風抽搐二曲如鉤主傷生冷三曲如蟲主傷硬物水紋形似水字主咳嗽環形聯絡如環主瘡病曲蟲紋如灣蟲主積滯魚骨紋如魚刺主驚熱紋形如亂蟲者主蛔蟲纏擾習幼科者必以此形色合參留神診察始不悞矣

初生門

拭口 附下胎毒法

拭口須用燕脂法穢淨方無口病生古云未啼先取穢只緣未察此中情

註 嬰兒初生須用軟棉裹指拭淨口中不潔繼以燕脂蘸茶

清擦口舌齒頰之間則不使一切口病生矣古云子未啼時先取穢血此古人不詳體察蓋兒在胞衣之中以臍蒂資生胞中皆是氤氳精氣生長蒸化並無血脈兒口之血從何而來此說不經不可為訓也

甘草法

甘草之法自古稱能解諸毒。性味平濃煎頻令兒吮服免使胎毒蘊腹中。

註

甘草味甘平和五藏解百毒之藥也。四時皆可用。虛實皆可服。取中指一節用水煎濃以棉纏指蘸水令兒吮之。其

毒自解。

黃連法

素稟胎熱蘊於中惟有黃連法最靈。水浸濃汁滴口內臍糞胎毒自此清。

註

黃連清熱解毒之要藥也。凡夏月及四時看兒有胎熱者。悉熱蘊於中致生他病。故宜用之。須取黃連數塊搥碎用。

湯浸出汁時時滴兒口中以臍糞下爲度其毒自解矣

硃蜜法

硃蜜鎮神利腸胃清熱防驚大有功胎熱便秘皆堪用稟賦怯弱慎而行

註

硃砂鎮心定驚兼能除邪蜂蜜解毒潤腸更能清熱一鎮一潤功效殊常胎熱便閉者四時皆可用之取一大豆許研細水飛過煉蜜調勻乳汁化服最佳惟胎稟太弱者不宜用也

豆豉法

怯弱之兒豆豉法宜發胎毒功最良兒生冬月亦宜此煎取濃

汁當乳嘗

註

淡豆豉輕腐宣發之藥也凡怯弱之兒或值冬月欲解胎毒者只將此藥煎為濃汁與兒三五口其毒自開矣

斷臍

臍帶剪下即用烙男女六寸始合宜烙臍灸法防風襲胡粉封臍為避濕

註

嬰兒初生先用剪刀向火烘熱剪斷臍帶次用火器繞臍帶烙之當以六寸為度不可過為短長短則傷藏長則損肌斷訖又用烙臍餅子安灸臍上以防風邪外入隨用胡粉散敷臍帶間用軟絹新棉封裹之以避尿濕風邪如藥

不脩卽以細熟艾一塊照依前法封裏

胡粉散

胡粉

甌帶灰

乾薑

白石脂

棉灰

各等分

麝香 少許

右共為細末每用一錢敷臍上封之

烙臍餅子

豆豉

黃蠟

等分

麝香 少許

右以豆豉麝香研勻鎔蠟量臍大小捻為餅灸用

浴兒

浴兒之法五枝湯冬夏寒温適可當加豬膽汁去污穢且滋肌

膚免生瘡

註

斷臍後三日浴兒此法其來舊矣為其革污穢也臨浴時須擇無風密處適可而止不可久在水中冬月恐其受寒夏日恐其傷熱其為湯之法須用桃槐桑梅柳枝熬成再加豬膽汁以去其污穢且能滋潤肌膚令兒胎瘡不生

藏胎衣法

藏衣新瓶用帛纏埋築天德月空邊向陽高燥宜嚴密令兒無疾壽綿綿

註

凡藏胎衣盛在新瓶內以青帛裹瓶口擇向陽高燥之地天德月空處掘地三尺埋之兒自長壽無疾若藏衣不謹

於兒不利

天德月空

正月在丁二月坤三月居壬四月辛五乾六甲七月癸八艮九
丙十乙宮十一巽兮庚十二此是天德牢記心月空單月壬共
丙雙月俱在甲與庚

註

天德如正月在丁二月在坤三月在壬四月在辛五月在
乾六月在甲七月在癸八月在艮九月在丙十月在乙十
一月在巽十二月在庚是也月空如正月在丙壬二月在
甲庚三月在丙壬四月在甲庚五月在丙壬六月在甲庚
七月在丙壬八月在甲庚九月在丙壬十月在甲庚十一

月在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也


甲庚在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也

甲庚在丙壬十二月在甲庚是也

天 德 圖



此天德圖
內如單月
逢丙壬雙
月逢甲庚
又為月空
之方位也

天德方向俱依此圖為準其月空方向單月在丙壬方雙
月在甲庚方四處如值天德方向不便即按圖尋丙壬甲
庚所在用之如值月空方向不便亦按圖尋天德用之

剃頭

小兒彌月剃胎頭密室溫和適可求杏麻薄荷上胎毒瘡
癩一切休

註

兒滿月剃頭須向密室溫暖處剃之為其氣血未盈寒風
易入剃後須用杏仁三枚研細入薄荷三葉再同研將麻
油滴三四點合膩粉拌勻擦頭上能避風邪免生瘡癩熱

毒等證

不啼

小兒生下不能啼俗語名之爲草迷多因臨產難生育或值嚴寒氣所逼氣閉不通聲不出奄奄呼吸命須臾氣閉不通葱鞭背寒逼急用火熏臍

註

兒生落地啼聲卽發形生命立矣有不啼者俗云草迷多因臨產時生育艱難以致兒生氣閉不通所以不啼也急以葱鞭其背使氣通則啼又有時值天寒之際兒氣爲寒所逼亦不能啼宜用熏臍帶法急爲挽回庶氣通而啼聲出也若氣絕無聲面青甲黑是形雖存而命已不立安望

其生哉

鞭背法

小兒初生氣不通奄奄呼吸少啼聲用葱鞭背輕輕擊須與聲發可回生

註

葱辛通氣擊動醒神用葱鞭背者取開通擊醒之義也如無葱以手輕擊之亦可

熏臍帶法

小兒生下或冒寒氣閉無聲啼則難油熬熏臍帶煎帶煖氣入腹白通安

註

兒初生方離母腹若值天寒氣為寒閉使兒聲不出須急

用棉絮包裹抱於懷中且勿斷臍用紙撚蘸油點火於臍帶下往來熏之令火氣由臍入腹寒得溫散氣得煖通啼聲自出矣

不乳

兒生能乳本天然若不吮兮必有緣腹中穢惡未下淨或在胎中素稟寒穢惡不淨一捻效胎寒不乳勻氣先若更面青肢冷厥此是寒虛理中煎

註

不乳謂初出胞胎不吮乳也其故有二不可不辨兒生腹中臍糞未下能令小兒腹滿氣短嘔吐不乳當用一捻金治之若兒母過食寒涼胎受其氣兒必腹痛多啼面色青

白宜勻氣散主之若四肢厥逆者理中湯主之

一捻金

大黃生

黑丑

白丑

人參

檳榔各等分

右為細末每少許蜜水調服

勻氣散

陳皮

桔梗各一錢

炮薑

砂仁

炙甘草各五分

木香三分

右共為細末每服五分紅棗煎湯調服

理中湯

人參

土炒

乾薑

甘草

灸

引用紅棗肉水煎服

方歌
理中人參並乾薑白朮甘草共為湯胎寒諸疾皆當服不

乳肢冷更堪嘗

眼不開

兒生眼閉不能開皆因脾熱受於胎內用地黃湯最妙熊膽洗
目效靈哉

註
小兒初生眼不開者因孕婦飲食不節恣情厚味熱毒熏

蒸以致熱蘊兒脾眼胞屬脾其脈絡緊束故不能開也內

服生地黃湯外用熊膽湯洗之自愈

生地黃湯

目生地黃

赤芍藥

當歸

川芎

甘草

天花粉

水煎服

方歌

目閉不開胎熱成生地黃湯赤芍芎當歸花粉生地草水

煎速服莫消停

熊膽洗法

熊膽

黃連

各少許

用滾湯淬洗其目自開

吐不止

兒吐不止何因生穢惡停留胃內成或緣稟賦胎寒熱或因生時感寒風穢惡一捻金散下外感香蘓溫散能熱涎酸黏連陳治寒吐清沫用理中

註

兒自胞胎既脫以後有因便秘腹中穢惡不淨令兒腹滿其吐不止者一捻金主之若生育時觸冒寒邪入裏犯胃則曲腰而啼吐沫不止者香蘓飲溫散之又有胎前受熱面黃赤手足溫口吐黃涎酸黏者二陳湯加黃連主之若胎前受寒面青白四肢冷口吐清稀白沫者理中湯主之

一捻金

方見不乳

香薷飲

藿香

蘇葉

厚樸

薑炒

陳皮

枳殼

麩炒

茯苓

木香

煨

炙甘草

引用生薑水煎服

方歌

香薷飲用藿香蘇厚樸陳皮枳殼茯苓甘草木香一併入生

薑為引吐能除

黃連二陳湯

半夏

薑製

陳皮

茯苓

生甘草

黃連

薑炒

引用生薑水煎服

方歌 兒生胎熱吐頻頻醫治須當用二陳半夏陳皮茯苓草薑

連加入效如神

理中湯 方見不乳

不小便

小便不通胎熱壅導赤八正二方從外用豆豉貼臍法須臾小便自能通

註 小兒初生不小便者乃胎熱流於下也宜導赤散熱盛者

八正散主之外用豆豉膏貼臍上則小便自通矣

導赤散

生地黃

木通

甘草

生

引用燈心竹葉水煎服

加黃連滑石赤苓更妙

方歌方名導赤妙難言生地木通甘草煎引用燈心共竹葉清

熱利水便如泉

八正散

扁蓄

瞿麥

滑石

飛

木通

赤苓

車前子

生大黃

梔子

生

引用燈心水煎服

方歌八正散治小便秘扁蓄瞿麥車前利木通滑石赤茯苓大

黃梔子合成劑

豆豉膏

淡豆豉 一勺

田螺 十九個

葱 一大束

右搗爛用芭蕉汁調貼臍上

不大便

大便不通名鎖肚皆緣熱毒受胎中硃蜜捻金俱可用急嘔五

心臍下通

註

小兒初生之日或次日即大便者俗云下臍屎此腸胃通

和幽門潤澤也若至二三日不大便者名曰鎖肚乃胎中

受辛熱之毒氣滯不通也其兒必面赤腹脹不乳多啼宜
先用硃蜜法治之設若不應用一捻金量兒與之繼令婦
人以溫水漱口唾兒前後心手足心並臍下共七處以皮
見紅赤色為度須臾大便自通矣

硃蜜法

方見拭口

一捻金

方見不乳

大小便不通

二便俱秘胎熱極木通散與紫霜丸行熱開結真神妙口噤之
法悉如前

註

小兒初生大小便不通者最為急候乃胎中熱毒太甚而

成也急用前口哂五心臍下法再以木通散行其熱紫霜
丸開其結庶可望生若延至七日謂之一臘肚腹硬脹常
作呻吟則難治矣

木通散

車前子

扁蓄

瞿麥

木通

赤苓

山梔

滑石

飛

黃芩

生甘草

大黃

引用燈心水煎服或入薄荷同煎

方歌 二便閉兮如何醫木通散用甚為奇車瞿通苓梔子滑

茯苓甘草大黃宜

紫霜丸

代赭石

一兩 火煨

醋浸三五次研

赤石脂

一兩

杏仁

六十粒 炒去皮尖

巴豆

三十粒 去油膜

右為末飯糊如麻子大日服三丸白水下

肛門內合

有因熱毒肛門結或是內合無隙通清毒宜服黑白散脂瞞簪

通導法精

註

小兒初生肛門內合有二一者熱毒太甚壅結肛門一者

脂膜遮瞞無隙可通如肛門壅結者急服黑白散外用蘇

合香丸作棗核狀納八孔中取其香能開竅又能潤澤大便一下庶可望生如脂膜遮睛無隙可通者先以金玉簪透之刺破脂膜再以蘇合香丸照前法導之庶可挽回於萬一耳

黑白散

黑牽牛

半生半炒

白牽牛

半生半炒

大黃

生

檳榔

陳皮

各五錢

生甘草

三錢

元明粉

一兩

右除檳榔不過火餘五味或晒或焙仍合檳榔爲末同元明粉入乳鉢內研細每服五分至六七分溫蜜湯調化

蘇合香丸

蘇合香油 五錢

入安息香內

安息香

一兩
另為末用無灰酒半觔熬膏

丁香

青木香

白檀香

沉香

萹荑

香附子

訶子

煨取肉

烏犀

鎊

硃砂

各一兩
水飛

薰陸香

片腦

各五錢
研

麝香

七錢半

右為細末入安息香膏煉蜜和劑圓如芡實六空心用沸湯化下酒下亦可

噤口

噤口舌上如黍米吮乳不得啼漸難清肝龍膽湯極妙腹硬便
秘紫霜丸吐涎牙緊擦牙效次用辰砂全蠍煎病勢稍安勿過
劑調和脾胃勻氣先

註

小兒噤口之證失治多至不救其候舌上生瘡如黍米狀
吮乳不得啼聲漸小因胎熱所致也法當清熱疎利以龍
膽湯主之若肚腹脹硬二便不通者紫霜丸主之又有一
種口吐白沫牙關緊急者此胎熱內結復爲風邪外襲當
以秘方擦牙散先擦其牙關次服辰砂全蠍散中病卽止
不可過服證退當調和脾胃以勻氣散主之

龍膽湯

柴胡

黃芩

生甘草

釣藤釣

赤芍

大黃

紙裏煨

龍膽草

蛻螂

去翅足

桔梗

赤茯苓

引用棗肉水煎服

方歌 噤口龍膽湯極靈柴胡黃芩草釣藤赤芍大黃龍膽草蛻

螂桔梗赤茯苓

紫霜丸 方見二便不通

秘方擦牙散

生南星 二錢 去皮臍

龍腦 少許

右研為極細末用指蘸合生薑汁放大牙根擦之立效如不開者將應用之藥調和稀糊含在不病人口內以筆管插入病人之鼻孔用氣將藥極力吹入其關立時即開此法有通仙之妙不可不知

辰砂全蠍散

辰砂 五分 水飛

全蠍 三枚 去毒

硼砂

龍腦

麝香 各一分

右為極細末用乳母唾調抹口唇裏及齒上

勻氣散 方見不乳

撮口

撮如囊口吮乳難舌強唇青吐沫痰面色赤黃胎熱極四肢厥冷命難全痰盛宜用殭蠶散便秘須進紫霜丸驚熱龍膽湯極妙抽搐撮風散自安

証撮口者口撮如囊口也吮乳不得舌強唇青面色黃赤乃

心脾之熱受自胎中而然也其證爲危候急當隨證治之如氣高痰盛者辰砂殭蠶散主之二便秘結者紫霜丸主之身熱多驚者龍膽湯主之手足抽搐者撮風散主之若更口吐白沫四肢厥冷雖有神丹終屬無濟

辰砂殭蠶散

辰砂 五分 水飛

僵蠶 一錢 直的去系嘴炒

蛇蛻皮 一錢 炒

麝香 五分

右為末用蜜調敷唇口

紫霜丸 方見二便不通

龍膽湯 方見噤口

撮風散

赤脚蜈蚣 半條 炙

釣藤鈎 一錢五分

硃砂 水飛

直僵蠶 席

全蠍尾 各一錢

麝香 一字

右為末每服一字竺瀝調下

臍濕臍瘡

浴兒不慎水浸臍或因襁袍濕漬之臍間淋漓多痛癢甚則歛腫作瘡臍濕必用滲臍散瘡腫金黃散最宜治療之法須如此臨證施之不可疑

註 兒生洗浴不可久在水中任意洗濯既包裹畢宜時常留

意勿令尿濕浸臍如不知慎遂致肚臍浸漬不乾名曰臍濕須以滲臍散敷之甚則焮赤成瘡名曰臍瘡須以金黃散敷之庶不致寒濕之氣內攻也

滲臍散

枯礬
龍骨 各二錢

麝香 少許

右研細末乾撒臍中

金黃散

川黃連 二錢半

胡粉

龍骨 谷一錢

右為末敷患處

臍突

嬰兒蘊熱在腹中伸引頻頻臥不寧努脹其氣冲臍本虛大光浮臍突成速服犀角消毒飲二豆能消腫赤攻最忌寒涼敷臍上水凝毒熱反成凶

註

嬰兒熱在腹中無所發瀉故頻頻伸引睡臥不寧努脹其氣衝入臍間所以臍忽腫赤虛大光浮名曰臍突此乃胎熱所致非斷臍不利之過也內服犀角消毒飲外敷二豆

散其腫自消最忌寒涼之藥敷於擠上恐寒凝毒熱反為害也

犀角消毒飲

牛蒡子

炒研

生甘草

荆芥

防風

金銀花

水煎熟臨服入犀角細末調勻服

方歌

犀角消毒牛蒡加甘草荆防金銀花細研犀角調勻服

突能消攻最佳

二豆散

赤小豆

不去皮

豆豉

天南星

去皮臍

白欬 各一錢

右為細末用五分芭蕉汁調敷臍四旁日二次

臍風

斷臍不慎起臍風感受風寒濕水成將作驅風散最效已成兼
證要分明腹脹便秘黑白散面白肢寒用理中痰涎壅盛殭蠶
散壯熱面赤龍膽清嘔吐多啼益脾治唇青撮口撮風平臍青
口噤為不治一臘逢之命必傾

註

臍者小兒之根蒂也名曰神闕穴近三陰喜溫惡涼喜乾

惡濕如斷臍悉遵前法臍風何自而起惟不知慎重以致
水濕風冷之氣入於臍中兒必腹脹臍腫日夜啼叫此臍

風之將作也須急用驅風散治之若寒邪深入已成臍風者又當視其所兼之形證治之如肚腹脹硬大便不通者風兼實也黑白散主之面青肢冷二便不實者風兼虛也理中湯主之痰涎壅盛氣高喘急者風兼痰也辰砂殭蠶散主之身體壯熱面赤口乾者風兼熱也龍膽湯主之面青嘔吐曲腰多啼者風兼寒也益脾散主之撮口昏青抽搐不止者風兼驚也撮風散主之若臍邊青黑口噤不開者是爲內抽不治臍風見於一臍者亦不治一臍者七口也兒生七日血脈未疑病已中藏醫之無益

驅風散

蘇葉

防風

陳皮

厚樸

薑炒

枳殼

麩炒

木香

煨

殭蠶

炒

釣藤鈎

生甘草

引用生薑水煎服

方歌 臍風將作用驅風蘇防陳樸枳香從殭蠶釣藤與甘草生

薑加入更通靈

黑白散

方見肛門內合

理中湯

方見不乳

辰砂殭蠶散

方見撮口

龍膽湯

方見噤口

益脾散

白茯苓

人參

草果

煨

木香

煨

炙甘草

陳皮

厚樸

薑炒

紫蘇子

各等分炒

右為末每服一錢薑棗湯調服

撮風散

方見撮口

天鈞

天鈞邪熱積心胸痰涎壅盛氣不通癩癧壯熱同驚證頭目仰視若鈞形九龍控涎醫搐掣牛黃散用善驅風癩癧戒參鈞藤

飲瓜甲青色蘇合精

註

小兒天釣證由邪熱痰涎壅塞胸間不得宣通而成發時
驚悸壯熱眼目上翻手足瘳癱爪甲青色證似驚風但目
人多仰視較驚風稍異痰盛兼搐者九龍控涎散主之驚盛
兼風者牛黃散主之搐盛多熱者釣藤飲主之瓜甲皆青
者蘇合香丸主之

九龍控涎散

赤脚蜈蚣

一條
酒塗炙乾

滴乳

天竺黃

各一錢
二味研勻

臘茶

雄黃

炙甘草

各二錢

荆芥穗

炒

白礬

各一錢
枯

菜豆

一百粒
半生半熟

右為末每服五分人參薄荷湯調下

牛黃散

牛黃 一錢 細研

硃砂 一錢 水飛細研

麝香 五分

天竺黃 二錢

蠟梢 一錢

釣藤鈎 二錢

小者右研勻每服一字新汲水調下

釣藤飲 蘇合香丸主之

人參 風遠 半黃 全蠍 去毒

羚羊角

天麻 甘草 炙

釣藤鈎

水煎服

按 天鈎乃內熱痰盛應戒人參

方歌天釣須用釣藤飲瘕瘕連連無止歌人參羚羊與釣藤炙

草天麻共全蠍

蘇合香丸

方見肛門內合

內釣

內釣肝藏病受寒糞青潮痛似驚癇偃僂腹痛吐涎沫紅絲血
點目中纏瘕瘕甚者釣藤飲急啼腹痛木香丸肢冷甲青唇口
黑養藏温中或保全

註

內釣者多因肝藏素病外受寒冷其候糞青潮搖者作止
有時也偃僂腹痛者曲腰而痛也口吐涎沫證雖與驚癇
相類但目有紅絲血點瘕瘕甚者釣藤飲主之急啼腹痛

者木香丸主之若肢冷甲青唇口黑者養藏散主之然內
鈞至此乃中寒陰盛不治之證用此救治庶或保全

鈞藤飲

方見天鈞

木香丸

沒藥

木香

煨

茴香

炒

鈞藤鈎

全蠍

乳香

各等分

先將乳香沒藥研勻後入諸藥末和畢取大蒜少許研細
和丸如桐子大晒乾每次二丸鈞藤湯下

養藏散

當歸

沉香

木香

煨

肉桂

川芎 各半兩

丁香 二錢

右爲末每服一錢淡薑湯調服

盤腸氣痛

盤腸寒搏腸中痛曲腰不乳蹙雙眉定痛溫中荳蔻散熨臍外

治法堪垂

註

凡盤腸氣痛皆由寒邪所搏肝腎居下故痛則曲腰宜白

豆蔻散主之外用熨臍法其效甚速

白豆蔻散

白豆蔻

砂仁

青皮

醋炒

陳皮

炙甘草

香附米

制衣

蓬莪朮 各等分

右爲末每服一錢紫蘇煎湯調下

熨臍法

淡豆豉

生薑


各二錢
切碎

葱白

五莖

食鹽 一兩

同炒熱置臍上熨之



御製醫方類聚

